



KOMUNIKADO PA PRENSA

Fecha

26 di mei 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

SEGUN MINISTER CAMELIA-RÖMER:
**'KÒRSOU MESTER BIRA UN TREMENDO LUGÁ PA BIBA ADEN I UN
TREMENDO LUGA PA BISHITÁ'**

Willemstad –Minister enkargá ku Tráfiko, Transporte i Planifikashon Urbano (VVRP), Suzy Camelia-Römer, a bisa durante di e inougurashon di e último dia di e konferensha "Seshon Stratégiko: Plan Horizonte 2030" riba djamars 26 di mei, ku Kòrsou mester bira un tremendo lugá pa biba aden i alabes un tremendo lugá pa bishitá.

‘Nos por logra esaki si nos kuminsa pensa riba solushonnan diferente ku ta resultá den mas desaroyo duradero pa Kòrsou mediante Inovashon, Integrashon i Inklushon’.

Segun Minister Camelia-Römer, tin vários idea nobo i inovativo ku por yuda nos solushoná e impase ku nos ta aden. Pesei ta hopi importante pa e maneho wòrdu inová. Ademas, e departamentu i entidatnan di Gobièrnu mester traha huntu p'asina integrá e maneho i proyektonan di VVRP, sin ekskluí e posibel di koperashon ku servisionan di otro ministerio tambe.

Kòrsou ta di nos tur i ta hopi esensial pa un mandatario por yega na un maneho duradero ku ta inkluí tur e hendenan enbolbí. Minister Camelia-Römer ta konvensí ku planifikashon di entre otro urbanisashon di un barío mester tuma lugá ku e hendenan ku ta biba of frekuentá den dje.

P’esei a invitá diferente stakeholders i partnernan sosial, manera Universidat di Kòrsou, Sindikato ABVO, Amigu di Tera, Aquallectra, CHATA, CTB, DMO, Sinusta, VBC, KVK, NAAM, PROMO, CACTUS, SSK, Sindikato STRAF, SEBI, SAP, diferente Direktiva di Skolnan, SAIA, STU, Unidat di Barío, Plataforma di Otrobanda, Organisashon di Kuido pa Grandinan i vários otro pa e último dia di e konferensha.

E meta di e último dia tabata pa partnernan sosial duna di konosé kiko ta nan vishon i nan prioridatnan e plan di maneho stratégiko pa loke ta tráfiko, transporte i planifikashon urbano ku lo mester krea un Kòrsou ku ta mas bibabel.

Sekretario General di VVRP, Sr. Dwigno Puriel, a duna un presentashon na nòmber di tur e departamentunan di VVRP i Sr. Franklin Sluis di CPOST a duna un presentashon na nòmber di tur e fundashon nan i NV-nan ligá ku VVRP.

Minister Camelia-Römer lo dialogá i debatí riba e plan den Konseho di Minister i Parlamento di Kòrsou pa asina determiná e maneho konkreto. E mandatario a enfatisá ku lo sigui enbolbí stakeholders i partnernan sosial den fase di implementashon di e maneho nobo di VVRP tambe.



KOMUNIKADO PA PRENSA

Fecha

26 di mei 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw